

福 幼 編



南京中医药大学图书馆版权所有

光緒戊子年重鑄

福
幼
編

板存金陵狀元境口
一得齋刻字鋪刷印

序

小兒慢驚一症。從古及今。未獲良方。自武進莊在田先生傳出福幼編一書。而小兒患此症者。無不立獲神效。但世俗疑信參半。兼之庸醫議論。輒不敢服。是以雖有良方。不能救命。此亦無可如何者矣。戊子春予小女忽患寒熱不退。延各處名醫診視。終未奏效。適有友人持此書來閱。予因商之醫。醫云。小兒乃純陽之體。如何服此溫補之藥。且一方治百病。恐未必佳。亦斷無拘守古方之理。故不敢服。越數日病勢危。

殆復轉延別醫。彼云慢驚已甚不可治矣。舉家驚惶失措。予不得已姑將此書試之。依方配藥。先服透寒蕩驚湯兩劑。服後有頃。熱漸平。後服理中地黃湯一劑。其熱盡退。接服四五劑。而病已全痊。此方實有回生起死之神功。未可輕視。但患此症者。須查書中所開條目內有數處相合者。卽放心照方服藥。將一切所傳之方一概弗用。如兼投他方。勿怪此方之不效也。至囑至囑。予因翻刻此書。以廣流傳。俾小兒得此症者。不至爲庸醫所殺。並救尙未殺死之兒。得以登

壽域而復生之。至於各種治法效驗。書中業已備
茲不贅述。特序數言。以告天下之保嬰者。並告天下
庸醫之虛心者。是爲序。

時

光緒十四年歲次戊子仲春江甯駐防桂林謹識



福幼編

凡例

一此編專以溫補見長。凡小兒既成慢驚。必於後開
條目內有數處相合者。即放心照方服藥。勿謂此
書與古方清熱散風之藥不同。仍泥用古方以自
悞也。

此編凡鹿茸人參等。貴重難覓之藥。悉不開入。恐
窮鄉僻壤及無力之家。不能購覓。雖有對症良方。
亦束手無策也。



一此編內之藥。隨處皆有。無論貧富貴賤。皆力所易爲。但必須另包過戩。如法炮製。方可取效。

一近代所賣抱龍牛黃等丸。皆清熱化痰之藥。急驚最爲對症。若慢驚之甚者。下喉卽死。

一急驚與慢驚全屬相反。急驚之症。小兒氣體壯實。前數日發燒。今口鼻中氣熱。大便結。小便臊。忽而驚風大作。喉中多有熱痰。用抱龍牛黃等丸下咽。卽醒。再用清熱消導之藥一劑而安。本欲附方於此。恐治慢驚者。先用治急驚之方。則爲害匪小。是



以姑述其由而方不敘入。慢驚總是病後氣血不足。虛極生風。非脾腎雙補。薑桂同進。如何能愈。一薑桂附子。乃編內藥方中之用神。減去則無效。肉桂好者難得。薄桂濶桂。但有油者。皆可用之。所以本草備要云。肉桂有油俱佳。無所分別也。一慢驚之輕者。理中地黃湯內多用薑桂。亦可治愈。若虛寒至極者。非用附子不可。但附子性熱。人多畏之。本草附子下亦註明治慢驚寒樣。可見溫補二字。委係治慢驚秘訣。無所疑也。

一此編新立二方。以治慢驚。明言慢驚屬虛寒。溫補。即所以治慢驚。急驚屬實熱。清熱。即所以治急驚。二症有寒熱之殊。用藥有雲泥之異。古人每以一方治二病。未究其治病之根源。深不可信也。近代醫家。皆云慢驚一症。先須驅風化痰。鎮驚。往往用金銀器物煮水。仍煎發散消導之藥。愈治愈危。未聞治愈一人。良可嘆也。

一海內醫書。未可枚舉。諸子雖各執一見。議論紛陳。然失之於此者。仍得之於彼。惟慢驚一症。自古及

今相承錯謬殊堪扼腕。是以此編特辨慢驚一症。與各書不同。節次試驗有效。深信不疑也。一此編乃獨得之奇。實發古人不傳之秘。凡小兒久病不愈。諸病之後。均能轉爲慢驚。真得之最易。而醫之最難。世之人但知清熱散風。不知溫補氣血。間有一二高明者。見及慢驚。是虛寒症。欲開溫補藥方。又因不合古書。恐招訕謗。是以慢驚竟爲幼科第一危險之症。此編業於姑蘇中州安徽等處付梓矣。倘仁人君子念及小兒患此症者待命。



殷諄翻刻廣傳尤屬善舉。

治慢驚風心得神方

慢驚之症緣小兒吐瀉得之爲最多。或久瘧久痢。或痘後疹後。或因風寒飲食積滯。過用攻伐傷脾。或秉賦本虛。或誤服涼藥。或因急驚而用藥攻降太甚。或失于調理。皆可致此症也。其症神昏氣喘。或大熱。或退眼開驚搖。或乍寒乍熱。或三陽晦暗。或面色淡白。青黃。或大小便清白。或口唇雖開裂出血。而口中氣冷。或爲瀉利冷汁。或完穀不化。或四肢冰冷。並腹中



中醫藥大學圖書館版權所有

氣响喉內痰鳴。角弓反張。目光昏暗。此虛症也。亦危症也。俗名謂之天弔風。虛風。慢驚風。慢脾風。皆此症也。若再用寒涼再行消導。或用胆星抱龍以除痰。或用天麻全蝎以驅風。或用知栢苓連以清火。或用巴豆大黃以去積。殺人如反掌。實可畏也。若治風而風無可治。治驚而驚亦無可治。此實因脾腎虛寒。孤陽外越。元氣無根。陰寒至極。風之所由動也。治宜先用辛熱。再加溫補。益補土。所以敵木。治本卽所以治標。凡小兒一經吐瀉交作。卽是最危之症。若其屢作不

止無論痘後疹後病後不拘何因皆當急用參朮以
救胃氣薑桂參熟等藥以救腎氣不惟傷食當急救
之卽傷寒傷暑亦當急救之蓋其先雖有寒暑是邪
一經吐瀉業已全除脾胃空虛倉廩空乏若不急救
恐虛痰上湧命在頃刻矣庸醫見之皆誤指爲熱爲
食投以清火去積涼藥立時告變爲之奈何與其失
之寒涼斷難生活不若失之溫補猶可救療此語發
明吐瀉驚風之理最爲明透後之君子願無忽諸今
將慢驚辨症臚列于後

一慢驚吐瀉脾胃虛寒也。

一慢驚身冷。陽氣抑遏不出也。服涼藥之後
往往致此

一慢驚鼻孔煽動。真陰失守。虛火燥肺也。

一慢驚面色青黃及白。氣血兩虛也。

一慢驚口鼻中氣冷。中寒也。

一慢驚大小便清白。腎與大腸全無火也。

一慢驚昏睡。露睛。神氣不足也。

一慢驚手足抽掣。血不行於四肢也。

一慢驚角弓反張。血虛筋急也。



一慢驚乍熱乍涼。陰血虛少。陰陽錯亂也。

一慢驚汗出如洗。陽虛而表不固也。

一慢驚手足痠癢。血不足以養筋也。

一慢驚顙門下陷。虛至極也。

一慢驚身雖發熱。口唇焦裂出血。却不喜飲食。冷茶

水進以寒涼。愈增危篤。以及所吐之乳。所瀉之物。

皆不甚消化。脾胃無火可知。唇之焦黑。乃真陰之

不足也明矣。

大凡因發熱不退。及吐瀉而成者。總屬陰虛陽越。



北京中醫藥大學圖書館版權所有

必成慢驚。並非感冒風寒發熱可比。故不宜發散。
治宜培元救本。加薑桂以引火歸源。必先用辛熱。
冲開寒痰。再進溫補。方爲得法。經驗二方列後。
逐寒蕩驚湯。此方藥性溫煖。治小兒氣體本虛。
或久病不愈。或痘後疹後。或誤服寒涼。泄瀉嘔吐。
轉爲慢驚。清熱散風。愈清愈危。速宜服此。能開寒
痰。寬胸膈。止嘔吐。蕩驚邪。所謂回元氣於無何有
之鄉。一二劑後。嘔吐漸止。卽其驗也。認明但係虛
寒。卽宜服之。不必疑畏也。

胡椒 一錢

炮薑 一錢

肉桂 一錢

丁香 十粒

右四味研爲細末。以灶心土三兩煮水澄極清。煎藥大半茶杯頻灌之。接服後方定獲奇效。加味理中地黃湯。此方助氣補血。却病回陽。治小兒精神已虧。氣血大壞。形狀狼狽。瘦弱至極。皆可挽回之。如法濃煎。頻頻與服。參天救本之功。有難以盡述者。

熟地 五錢

當歸 二錢

萸肉 一錢

枸杞 二錢

棗仁 二錢
炒研

肉桂 一錢

故紙 二錢

炙芪 二錢